

Nuorttanaaste

Bajasrakadus- ja čuvvgitusbladde samidi.

»Gæca mon boadam farga«

»Leket maidai digis garvvasak.«

No. 16.

30ad August 1902.

4ad jakkodak.

Dak moaddelagaš gæinok

Muttom oskolaš doavter čalla: »Mon muttom bæive ravkkujuvvujim ovtta oappasa lusa, gæn doavter mon legjim. Son læi okta naittalkættes olmai, gutte eli jaskis ja dassedis ællema, su ječas čabba ja juokkelakkai buristrakkaduvvum dalost. Su balvvalægje læi alelassi su lutte vækken, ja dak guovtes læiga boarasnuvvam ovtast.»

Go mon daloi bottim gavdnim mon dam vuoras hœrra sagga morrašest; čamditu go su boares oskaldes balvvalægje læi hæjot buoccam, maŋel go son moadde vakko rajest juo læi læmaš illavæje. Go mon dolvvujuvvujim su ladnji, merkkijim mon, atte su maŋemuš boddo lakkani jottelles lavkiguim, ja mon celkkim sudnji: »Dust i læk šat gukkes aige ællet. Læggo don rakkanam jabmenin gavdnadet?«

»Vuoi, doaktaražam, ikko don gadde, atte mon dærvasmuvam?«

„Im“ vastedegjim mon, »illa læ dat vejolaš, lækgo don morraš adnam silod oudast?«

Dat boares balvvalægje javotaga oroi, mon fast jerrim sust dam sæmma aše birra, ja son vastedi: »Hærrašam mon læm rafhalaš ællema ællam. Moai æm læt goassege ovtage værrevuodain bættam. Mon læm viššalet girkost ja Hærra bæydest fidnam ja læm dakkam burist nuft ollo go læm sattam, ja læm lakkam iðed- ja ækkedesrokkadusaid. Dat læ, maid mon dieđam.«

»Rakis ustebam,« vastedegjim mon,

»jos i læk dust æra cækket go dat, de i læk must æmbo doavvo du siele birra go du rubmaš birra. Vuoi

dadde ravkkel Audogasvuotta i ožžujuvvu min bargo bokte.«

Olmai šaddai sagga vaive vuollai. »Maid galggam mon dakkat,« celki son »matako don mudnji dam cækket? Mon balam jabmemest. Matako don væketet mu.«

»Mon itten valdam muttom smava girjid mielam dudnji,« celkim mon ja vulggim; mutto mu oamedovdo vaivedi mu. Mon legjim galle olmai cækkam, atte suina boastot manna siele bælest; mutto manne galgam mon darbašet girjid čajetam diti sudnji ællema gæino? Mon jorggalegjim ruoktot su lusa, mon im sattam guoddet mašotes suddolaža su hæde sisa. »Mon boadam fast,« celkkim mon; »mon aigom muittalet dudnji dam, maid mon dieđam audogasvuoda gæino birra. Go fangagæčče Filippest čuorvvoi: »Maid galgam mon dakkat vai audogassan šaddašim?« de læi apostalest dallanaga vastadus, mi heive maidai dudnji: »**Osko Hærra Jesus Kristus ala, de šaddak don audogassan, don ja du dallo.**«

»Vuoi doaktaražam! Vissaset oskom mon Kristus ala; mon logam davja mu oskodovdastusam.«

»Mutto osko oaive siste i læk dat sæmma go osko vaimost. Fangagæčče oskoi vaimos, ja gæca, mi dast daptuvai. Go bæivaš luottadi ækkedes, læi son okta gatamættom suddolaš, gutte garravaimolažat mænodi fangaiguim. Mutto go bæivaš bagjani iðedest, læi olmai nubbastuvvam; son, gutte bijai Paulusa ja Silasa dam siskemuš giddagassi ja bijai sudno julgid čoski gidda, son doalvoi sudno olgus ja basai daid sarjid, maid soai læiga časkastagæin ožžom. Son algi usteblašvuoda sudno vuostai čajetet, vel borramušage lagedi sud-

noidi, ja mi loppak, atte son oktan su bærrašin læi ilost osko siste Ibmel ala. Don oainak nabbo dalle, atte osko dugjo juoga vaimost. Go son audogassan šaddai armost, de cakkani ođda rakisvuotta su vaimoi. Matako don dam sæmma cækket du ječad birra?

»Im, im,« čurvi dat vuoras olmai, mon im læk dovddam daggar nubbastusa.«

»Gula, mon muittalam dudnji ovtta dinga: Aito nuft go don ječak addak mu aitarðame vuollai, go don buocce læk, aito sæmma lakkai adde ječad Ibmel halldoi. — Ik ælma don vuorde dassači go dærvasmuvak oudalgo mu viežak, mutto don boadak mu lusa daina jurddagin, atte mon du galggam dærvasin dakkat. Boade Hærra lusa sæmma jurddagin. Son læ dal dast monno lutte, son læ oastam du, son aiggo andagassi addet dudnji buok du suddoid, ođasmattet vaimo ja duotta kristalažžan du dakkat. Luoite dal ječad su halldoi ja rokkadala sust Bassevuoina.«

»Mutto,« celki vuoras, »mon im dieđe, moft mon galgam rokkadallat daggar dingai birra; mon matam dušše moadde rokkadusa loppak.«

»Gal mon oapatam dudnji ovtta rokkadusa —«

»Ædnag gito, doaktaražam,« vastedi dat buocce.

»Mon oapatam dudnji ovtta rokkadusa, maid Jesus læ oapatam migjidi suddolažaidi, ja mi læ hui oadne ja ovtgærddan; don dam gæppaset muittak: **Ibmel læge munji suddolažži arbmogas!**«

Dat vuoras olmuš dappai čalmides ja gærdoi daid sanid. Mon fast alggim cækket: »Dat læ rokkadus, maid Hærra ješ læ oapatam migjidi

Duottavuodast haledi son, atte mi galggap audogassan šaddat, ja son læ maidai vastadusa addam rokkadussi.« Mon occim Luk. 18 kap. ja lõkkim värddadusa farisealaža ja duollara birra. Son gulddali darkkelvuodain ja imaštallamin gæcai mu ala. »Guoba lagan læk don dal mielastak, fari-sealaža vai duollara,« jerrim mon?

Son i vastedam maidege.

»Gieskad legjek don farisealaža lagan, go don sarnok girrkomannama altarmannama ja rokkadusai birra; mutto gæn lagan læk don dal?«

Olmai rieppo læi boattam stuora noađe vuollai, son muođoides čiegai. Mon jerrim: »Maid dagak don, rokkadalakgo don? Galgamgo mon vuolget inge oembo šat sardnot.«

»Ale vuolge, mon læm duollara lagan, dat læ visses; mon im matte bajedet čalmidam alme vuostai; must i læk mikkege dobbe. Mattago dat stuora Ibmel vaibmoladesvuoda čajetet mu vuostai?«

»Jæra sust,« vastedegjim mon, »Ale læge balost. Son læ oapatam du rokkadallat. Maidai don galgak vanhurskesen dakkujuvvut.«

»Vanhurskesen dakkujuvvut, mi læ dat?«

»Dat læ, atte Ibmel su stuora armostes rekkenasta min vanhurskesen. Son migjidi suddo anddagassi adda, buttista min ja migjidi logatalla Kristusa vanhurskesvuoda.« Mon čibbidam sogjalattim ja rokkadallim Ibme-la buristsivdnedet daid sanid, maič mon sardnom, ja mon guđđim su daina loppadusain, atte fast boattet sæmma ækked su lusa. Hærra læi læmaš monno lakka. Mudnji læi dal gæpas ja havske rokkadallat dam buocce vuorasa oudast, ja mon vurddim vaimo haloin ækkeda boattema, go mon fast galggim su lutte fidnat. Must læi dal buorre doaiuvo su birra.

Daggar miellalagin loaidastegjim mon fast dam vuoras olbmui buocam ladnji. Mon gavdnim su sagga cuvkiuvvum su suddoi ja dam gukkes boastotadnujuvum ællema diti. »Mon læm okta lappum suddolaš,« vaidi son. »Mudnji i gavdnu arbmo šat.«

»Manditi? Oskokgo don, atte du suddok læk stuoreb go Jesus — nuft stuorra, atte su varra i matte daid erit sikkot? Gula dal: Don gæčak ješječak ala, du suddoi ja du ællemad ala; mutto gæčca dal dam sagjai Je-

sus ala. Manditi jami son, jos dat i lifči du oudast ja du sajest? Son varast golggati ja jami bæstem diti dam, mi lappum læi. Gitto moai dal soervvalagaid su armo ja rakisvuoda oudast. Vaiko moai lednege aibas dokkemættomak su arbmoi, dadde æmbo berrejedne moai gittet su. Gudne lekus Ibmeli, **Jesus jami mu diti!** Čælke dam mu mañest.«

Dam sagjai čuorvoi son ain angeræbbo: »Ibmel læge mudnji suddolažži arbmogas!«

»Son læ læmaš dudnji arbmogas,« celkkim mon. »**Jesus læ soavatus min suddoi oudast.**«

»Hærra væket mu oskot,« šukki son, ja farga mati son dam; son devdjuvuvui avoin, ramedi ja mainoi Ibmela. Ja dallanaga jurdasešgođi son isedes ala. »Gost læ mu rakis ised? Oažomgo mon suina sardnodet?« Ised bođi ja gavdnai dam boares oskaldes balvvalægjes devddjuvuvum iloin.

»Vuoi dadde, man ilost mon læm, go mon oainam du nuft likkolažžan, mon læm alelassi jakkam, atte don læk okta buore ja rievtaš siello.«

»Im eisege« isedam, mon læm okta stuora suddolaš.«

Mutto isedest æi læm bæljek gullat, æige čalmek oaidnet ige vaibmo daggar dingaid ibmerdet, son læi burist duttavaš ješječaines son likoi su jaskes vagj lussi ja su buore vaibmoi.«

Moadde vakko dast mañnel ærrani dat boares balvvalægje dam ællemest, ilolažat Ibmel siste, bestujuvum armost. Son oažoi čabba havdadume ja occaluvvui saggarak su isedestes:

»Okti boatta dat bæivve, go maidai mon galgam dam ilmest ærranet, ja olbmuk galggek ruoktot boattet mu havde lutte,« celki son ja balkesti ječas su davalas vuottumstuloses. »Juogo son mon galgam gavdnadet boares Francain vel okti.«

Mon im orrostattam su vaidde-ma; mutto væhaš boddo gæcest celkim mon: »Son læ audogas dal. Siđašikgo don su ruoktot?«

»Dat i lifči riekta su ruoktot sitat,« celki son, »mon ferttim gæčcalet šaddat nuft buorre go son.«

»Jakakgo don, atte mi bestujuvut buorevuodamek bokte.«

»Jakam galle, manne æp?«

»Mi æp bestujuvvu buorrevuodamek diti, mutto dam bokte, atte mi Jesus lusa boattet nuftgo vaivan suddolažak sust bestujuvvut ja audogassan dakkujuvvut.«

Mutto son i mattam ige dattom ibmerdet dam. »Olmuš fertte gæčcalet, olmuš fertte juoga dakkat,« gærdoi son.

Son eli su beivides sæmma dasedis lakkai go oudal, logai su rokkadusaides iđedest ja ækkedest, finai sodnabeivid ibmelbalvvalusast, dassačigo moadde mano su balvvalægje jabmema mañnel hoapost, mutto ila mañned, botte mu viežžat; go mon bottim, læi son juo dam ællema loapatam alma soađe, alma vaidde-ma ja alma balotaga suddo diti, alma mange mašotesvuodataga lokkodak-kam-boddo oudast, alma vaibmonub-bastusataga. Su æroboddo læi boattam. I dovddam son goassege ječas suddolažan, ige occam dam armo mi suddolažžaidi læ fallujuvum.

Traasdahl.

Nuorra gærde særvek.

Min aigge læ servi aigge. Mon jakkam, atte dak særvek, mak dal dam čuvggijuvvum maielmest gavdnujek, mattek lokkujuvvut čuđi mielde. Maidai min ædnamest læk ollo særvek (foreningat). Dam have aiggop mi væhaš čallet dam kristalaš nuorragærde særve birra (ynglingforeningen). Dam alगतægje min ædnamest læ stiftaproavast Chr. Hall, gutte muttom jagid dast oudal læi pappammatest Tromsast. Kristalaš nuorragærde særvek læk viddanam dam čuvggijuvvum maielme mietta. Gavpugin suitek si stuora čoaggalmas vistid, mak duhati mielde šiettadet olbmuid. Sin barggo læ oaiivvešest duotta kristalaš čuvggitusa ala, ja maidai maielmalaš čuvggitusa ala barggujuvvu lokkama ja forredragai bokte čoaggalmasain. Si gæčcalet nuft buoremusad go sattek kristalašvuoda guvllui ožžudet daggarid, guđek æi goassege fina girrkoim æige čoaggalmas baikin, jukkid ja juokke lagan bahadabalažaid. Dat særvve læ ollo buore dugjum nuorai gaskast. Juokke jage dolek si oaiivve čoaggalmasa (kongresa).

Dam 20—24 august dam gæse dollujuvui daggar kongressa Kristi-

aniast. „Hjemlandsposten“ mielde big-jat mi čuovvovaš muittalusa dam čuogalmasa birra:

»Kongressa ravastuvvui ibmel-balvvalusain »Vor frelsers girkost« gaskavakko dam 20ad august kl. 11 ouddal gaskabœive. Girkko læi devd-juuvvum mañemuš saje ragjai. Arvo mielde 1000 — duhat — legje boat-tam olgoædnamest. Sigijidi læi mor-raštuvvum sierranassi čokkam sajek koarast ja daidi bajemuš bænkkarai-doidi. Dai olgoædnamlazai særvest mærkkašuvvuiga erinoamašet okta Ja-paneser ja okta Kineser, ænemusad dat mañemuš, gutte su ædnemes viero mielde oaives alde gudi dam nuft goččujuuvvum vuoktasæibe, ja su bik-tasak legje Europealaža čalmest dego nissonbiktasak, damditi gullujuuvvui saykastallam bænkkai alde duogo dago: »Duot læ vissa kinesalaš nisson.« Go-nagasa bardne Bernadotte oktan akain maidai oidnujuuvvui dam čuoggalma-sast.

Mañnelgo urgo læi algo nuotaid spelim, dollujuuvvui jaskes rokkadus, dastmañnel čuožželi dat stuora čuog-galmas bajas ja lavloi reformaššonlav-laga:

»Min nanna ladne Ibmel læ.«

Dat læi okta vaimo likkatatte. Viđa gilli oktanaga maidnujuuvvui dat Ibmel, gæn ala olmuš roakka oažžo dorvastet. Kongressa presidenta, stif-taproavast Hall, sardnedi, su tæks-ta læi Sal. 110, 3:

»Du almug boatta mielastes oud-dan du gievravuoda bæive; basse činai siste boatta du nuorra vækka du lusa, nuftgo suoldne iđdedes roade as-kest erit.«

Erotus suoldnegoaikkanasas gas-kas ouddal ja mañnel bæivašbagjanæ-me adnujuuvvui govvan olmui oud-dal ja mañnel jorggalusa. Nuftgo suoldnegoaikkanas dam čoaska ija galbmo isan ja læ alma šælggadvuodataga, mutto šolggita ja algga šælggostet, go bæivaš bagjana, nuft fertte dat galbma vaibmo Jesusa rakisvuoda bokte šolggidet, ja dalle dat i mate ærago baittet, ja nuftgo suoldne Nuorttaæd-namin gilvvagi goiko časkada arvetes aigin, nuft fertte juokke jorggalusa dakkam olmuš buristsivdnadussan læt æraidi. Nuftgo suoldnegoaikkanas de-go javka bæive sisa, mutto ruoktot boatta fast šaddolažžan-dakke arvin, nuft galggap maidai mi oappat Jesus sisa javkkat, su rakisvuoda sisa boat-

tet. Mi galggap oappat Johannes sa-ne: »Son galgga ouddanet ja mon ue-canet.« Dalle galgga min dakko bu-ristsivdneduvvut, ja nuorra vækka galgga boattet basse činaiguim Jesus Kristus lusa. Dast mañnel celki proa-vast daidi abmasidi velkommana ja savai Ibmel buristsivdnadusa čuoggal-masa bagjel.

Min blađest i læk sagje sisavald-det buok dam, mi dam čuoggalmasast sardnujuuvvui ja sardneduvvui. Dak stuora oappam olbmak, profesorak ja bismak sikke min- ja olgoædnamest dolle sin sarnidæsek, ja manga stuora duottavuoda šadde celkkujuuvvut.

Dat læ visses, atte daggar kris-talaš nuorra gærde særvek læk ollo buore dugjum, ja dat lifči savatatte, atte maidai sameædnamest juoga dak-kujuuvvuši nuorra væga oudast. Mon jakam, atte oapatægjek [skuvlaolbmak] juoida satašegje dakka sami gaskast nuorra gærde oudast, jos si duotta-vuođast dam oainašegje avkken.

Gudnejatte du vanhemedak!

Muttom jagid dast ouddal læiga 2 nuorra olbma studeremen muttom alla skuvlast Roanokest Davve-Karoli-na statat. Goabbašagak læiga soai čæppe ja viššalak, soai gilvvotalaiga dam gudnemærka oažžom diti, mi læi dam buok čæbbemussi mæreduv-vum. Mađe æmbo examenbœive lakkani dađe æmbo læi dat visses-mættom goabba sodnost vuiti. Nubbe sudnost læi okta čævllas nuorra olmai muttom gaddebaikkest, ja nubbe læi okta vuollegaš lundok mašolaš ja viš-šales kristalaš.

Go examenbœive bođi, manai dat vuostamuš bagjel dam čiljo, man alde dat stuora viste čuožoi, gost son su buore sarnes galgai doallat. Oles joavkko æra studentain čuvvo su mielde. Okta vuoras olmai bođi sin ouddal, son bagjelastes guti dallobuoi-ge biktasid, stuora govdda hatta læi oaivest ja ranodam stovelak julgin, su muođok legje bæivest ja bivasta-gast bolddujuuvvum, ja su čurgudam oaivve i læm dam iđed čokkujuuvvum, su giedak legje garrasak bargost, ja su muođoin ja su roankagam čielgest oidnujuuvvui, atte olmai læi ollo jagid mañnasis guođdam. Mutto go son oi-ni studenta mogjusi son, ja jotteles lavkiguim vuolgi dam nuora olbma

vuostai, son olgusgeigi su giedast, dam nuora olbma vuostai, gutte læi su bardne; mutto dat čævllas nuorra olmai gačai su mædda ja celki daidi æraidi: »Gaččop mi, dat jallas vuoras olmai oalgota atte son dovdda mu.«

Vuoras rieppo čuožži jaska gæč-čat sin mañest, dassačigo son dam aše čielgasen oažoi; son šukki: »Vuoi dadde, son hæpanadda su boares a-čestes! Son hæpanadda must, gutte duhat gærde læm cumman su muo-đoid; must, gutte daggar stuora mor-rašin ja fuolalašvuodain læm goecam su nuorravuoda oudast ja dal 4 jage læm garraset barggam skuvlaruđa sudnji tined, dainago mon læm ale-lassi rakisvuodain su ala jurdašam. Son hæpanaddai must! Mutto Ib-mel varjalekus su! Mon rakistam su imge aigo su vuorradussi dakkat mu fiinaminam, mutto vuolgam sidi fast.«

Son jorggali ja manai fast dol-lavavno stationi, ja dat vuostas vavd-no, mi bođi doalvoi vuorrasa moraš-laš vaimoin sidi.

Examen dollujuuvvui dam bæive, muttom æra nuorra olmai vuiti buor-remus karaktera. Presidenta čuoželi bajas ja celki:

Nissonak ja olbmak, daidi gud-nebevisaidi, mi dam nuorra bargolaš olmai læ čajetuvvum, aigom mon lasetet ovta medalje, maid oapatæg-jek læk mæredam sudnji čajetam di-ti, man ollo si su adnek arvost.«

Dat vuoitto-hærra čuoželi čok-kamsajestes ja manai rusudam muo-đoiguim presidenta lusa vuostaivald-det medalja, dallanaga gæčasti son su ædnes ala, gutte maidai dam bæi-ve læi dobbe. Su ædne læi boares, dak čurgudam vuovdak illa gokče su oaivvečoka, muođok legje dorranam ja čielggi læi rokkum. Bagjelestes guti ovta olmon sirsavuolpo; mutto barne čalmek legje ællasak, go son dam stuora olmuščuoggalmasast fuobmai su, son celki:

»Nissonak ja olbmak! Dam bæive gudne i gula mudnji, mutto mu rakis ædnai. Muttomak dist diet-tebetet, man garraset son læ barggam vai mon dam skuvla čađa læm bæ-sam mannat. Son læ čuožžom bivtas-bassam stampa guorast arad ja mañ-ñed, ja mu vaimost læ dat dovdda-muš, atte dam bæive gudne gulla sudnji. Ædne, daga nuft burist atte čuoželak bajas!«

Son čuožželi bajas, ja bardne manai su lusa, darvveti medalja su vulpui, lakkodi daid rakis boares muođoid ja dæddeli liegga cumma su baksami ala. Dat dugjui dam, atte mangas čierrogotte, mutto buokak ilodegje æreb dam ovta, gutte æmbo su tapas ala jurdaši, go dam boares ače ala, gæn vaimo son nuft sagga læi bayčagattam.

Væhas mastge.

Lægo son dat duotta?

Moskvast, Ruošæednamest, muittaluvvu, atte ruošæ kæisar arvvala kruones addet su vieljases, Michaeli. Mi dasa læ sivvam i læk buorre diettet.

Gopas læ

luodo nubbastuttimi boattet, go olmuš datos mielde oažo. —

Dam lulleafrikanalaš soađe aige legje Boarak oktan sin soattestivri-jægje olbmaiguim Engelanda čalmest moivvejægjek ja juokkelakkai heitogak; dal soađe maññel læk Engelandalažak garvvasak, jos lifči vejolaš, guoddet juokke Boara gollestuolo alde.

12000 bondegardema

galggek fast bajasrakkaduvvut soađe maññel Lulle-Afrikast.

Varalaš læ,

atte fast algget soattat Lulle-Afrikast. Kaffarak læk namalassi boarsoađe aige geværaid vuostaivalddam, engelasain ja dal čei aigo si daid ruoktot addet.

Æi læk goassege

ouddal Kinast vuvdujuvvum nuft manga bibala go dal.

Okta kolpotera (bibalvuovdde) čalla dam birra navt: Buok guovloin dabe muittaluvvu, atte ollo jerrujuvvu dal bibala maññai, ja atte manga læk si, guđek okti bottet lokkat ja dutkat bibala, maidai daina baiken, gost miššonærak čei læt.

* Čoaska dalkek

læk dal dabe min baiken alggam. Odne ija [dam ¹²/₉] læ muottam gid-da mærragaddai.

Salledid

goddek væhas firmiguim Eidsfjorast. Nuottestengak æi læk galle favdna-det.

*

*

*

Girkkohistorjalaš muittalusak.

Kristalasvuoda ouddanloaidastæbme ja viddanæbme maielmest.

Lasse oudeb nummari.

2. Hærra vuostas valljijuvvum apostalak.

Dak mattajægjek mak legje mærreduvvum maielbmai sardnedet evangelium Ibmel bardne birra ja vuodđodat kristalaš girko ædnam ala, valljijuvvujægje Hærrast. Si legje 12 loka, alma vissa Israel sokkagoddi mielde. Sin namaid gavdnapi Math. 10, 2—4.

Uccan læ muittaluvvum ænaš oase apostali ællema ja bargo ja jamo birra, dammađe almaken diettet mi:

Atte Andreas, Pietara viellja, gutte vieljas doalvoi Jesus lusa (Joh. 1, 42), čadnujuvvui russi gidda ja sardnedi dam dilest, dassači go jami.

Atte Jakob boarrasæbo, Johannes vielja, gutte læi okta daina, guđek oidne Hærra čilggijuvvumen vare alde ja su čiegnales vuollanæme (Math. 26, 37), goddujuvvui mikin Jerusalemest.

Atte Filip (Joh. 1, 44—45), gutte galgga læt sardnedam evangelium Frygiast, hareastuvvui.

Atte Tomas, gutte æppedi Hærra bajasčuožželæme (Joh. 20, 24—29, ja gutte galgga læt sardnedam Partiašt ja Indiašt goddujuvvui saitin.

Atte Bartolomeus daihe Nathanael, dat duođalaš Israelitalaš, gæn duokken i læm betolašvuotta (Joh. 1, 46—48), son gutte maidai galgga læt oapatam Indiašt, šaddai ællen njuvvujuvvut.

Atte Matheus, dat oudiš duollar, gutte čali Math. evangeliuma, gillai martyrajabmema Etiopiašt. (Math 9, 9).

Atte Judas, maidai goččujuvvum Lebæus daihe Thaddæus (Math. 10, 3), gutte Judas girje læ čallam, ja gutte galgga læt sardnedam Etiopiašt ja Arabiašt, bačujuvvui njuolain ja atte Simon Kananites russinavlijuvvui.

Mutto historja læ obba ollo muittalam migjidi Pietara, Johannaesa ja dam nuorab Jakoba birra. Dušše oanekažat gærdop mi dast oaivve-

dappatusaid sin ællemest ja bargost, damditi go maññel, jos Ibmel ællema ja dærvasvuoda suovva, šaddap mi sin namatet.

Simon Pietar, guollebivde Jonas bardne Betsaidast, Galeleast, dolvvujuvvui Jesus lusa vieljastes, Andreasest, gutte læi okta Johannes gastaægje mattajægjin (Joh. 1, 40—42). Son læi dat vuostas mattajægjin, gutte almoset dovddasti, atte Jesus læi Mesias, dat Ibmel bardne [Math. 16, 16]. ja damditi oažoi son dam loppadusa, atte son galggai læt dat bakte, man ala Hærra aigoi hukset su særvvegoddes.

Vaiko son galle manga have čajeti hægjovuoda ja osko-rašševuoda, læi son almaken sagga rakistuvvum Jesussest; son valljijuvvui duođastægjen Jesusa hærvasvutti čilggitusa vare alde ja su erinoamaš gillamušši Getsemane gardest. Mi diettep maidai, atte son biettali Jesusa balvvalægje nissona oudast, ja atte son hærrastes oažoi dærvuodaid bajasčuožželæme bæive.

Bassevuoina olgusgolgatume maññel šaddai son su famolaš sarnes bokte kristalaš girikko asatægjen ja dam vuostas særvvegodde stivri-jægjen (Ap. dag 2, 14). Son buccid dærvasmatti ja jabmid oellati. Evangelium sardnedi son maidai Samariašt ja læi dat buristsivdneduvvum gaskaoabme Kornelus jorggalussi (Ap. dag. 10); muttom hirmuš duorradallujume vuolde dov dai son Hærra erinoamaš varjalusa Ap. dag. 12, 3—10. Ovta gærde čajeti son oskorašševuoda, son šaddai damditi rangastuvvut Paulusest, gæina son almaken ovtarađalažat dutkai Jerusalemest apostal-čoačgalmasast dam gačaldaga, mi læi boattam apostali ouddi birračuopatusa harrai Ap. dag. 15. Su davalas matkeguimines, Markusin, sardnedi son evangelium maidai persalaš rikast, gost son arvomield dam jage 60 m. K. čali su vuostas girjes. Son jami dam jage 67 daihe 68 m. K. ruosa jabmema Romast. (Æmbo.)

„Nuorttanaste“

olgušboatta 2 gærde manost — dam 15ad ja dam 30ad bæive juokke manost — ja maksa kr. 1,00 — ovta kruvna jakkodagast ja kruonobæle daihe 50 ora jakkebælest.

Bladde matta dingujuvvut juokke poastarappe lutte, komiššonærai lutte ja olgosaddest G. F. Lund Sigerfjord Vesteraalen.

»Nuorttanaste čalle prentejægje ja olgosadde læ G. F. Lund Sigerfjord, Vesteraalen.